

BERTSOKARIA

HAUR ETA GAZTEENTZAKO ALDIZKARI DIGITALA

2020ko Ekaineko alea

GORBEIALDEA BERTSOZALE

BERTSO IKASGELA

SARRERA ALBISTEAK GURI BURUZ IKASTETXEAK IKASLEEN TXOKOA



PISTOLERO JOLASA

Hitz bat emango zaigu eta ea azkar sakatzen dugun berekin errimatzen duen hitza. Adi, tiroak huts egin gabe!

Segi irakurtzen



Berriro jolastu nahi?

Hauek dira aste honetan ikasgelatan egin ditugun jolasak!



Bertso sortak

Bertso jarriak, musikatuta. Kanta dezagun!



Bat-bateko saioak

Gozatu plazako bertsoaldi onenekin!



Xalbadorri txistuak

Ekainaren 11 zen, 1967ko Txapelketa. Historiako une esanguratsuenetako bat gertatzera zihoan... Zer gertatu zen jakin nahi?

2020-06-10

Gorbeialdeko Udal eta ikastetxeen elkarlanari esker urtero bertsolaritzaren inguruko programa eskaintzen da Lehen Hezkuntzako ikastetxeetan. Guztira 5 ikastetxetako 10 gelatan landu dute bertsolaritza. Peru Abarrategi eta Unai Mendibil 15ean behin ordu betez izan dira gela ba-koitzean. Aramaioko San Martin eskola, Legutioko Garazi ikastola, Zuiako Virgen de Oro ikastetxea, Urkabustaizko Izarra eskola eta Zigoitiko Gorbeia eskola izan dira parte hartu duten ikastetxeak.

Bertso-ikasgela izan da aurtengo protagonista nagusia, bai gela fisi-koan baita birtualetan ere, sarean baitaude edukiak, haurren ekoizpenak eta material osagarri guztiak. Horri esker konfinamenduan ere bertsolaritza mo- du dibertigarri batean lantzen jarraitzeko aukera izan da Gorbeialdean.

Hizkuntza jolasteko tresna bezala erabili dute, sortzeko eta euskara aberasteko aukera izan dute 171 ikaslek. Aurrez aurreko klaseak izan dituzte martxora arte eta martxotik ekainera bideodeiak eta plataforma digitalak baliatu dira, www.bertsoikasgela.eus bidez elkarrekin bertsotan jarraitzeko. Aurrez aurre hobeto, baino esperientzia polita izan da!



GELAZ GELAKO BERTSO BILDUMA

Egín KLIK bertsoak ikusteko !!!

ARAMAIO

San Martin Eskola

[San Martin Eskola 6. maila](#): Eskolartekorako bertsoak

[San Martin Eskola 5. maila](#): Txanogorritxuren ipuina

LEGUTIO

Garazi Ikastola

[Garazi ikastola 6. maila](#): Irakasleentzako bertsoak

[Garazi Ikastola 5. maila](#): Pinotxoren ipuina

ZIGOITIA

Gorbeia Eskola

[Gorbeia Eskola 6. maila](#): Irakasleentzako bertsoak

[Gorbeia Eskola 5. maila](#): Hansel eta Gretel ipuina



GORBEIALDEAN ere... bertsoa bizi gazte!



[Zuhatzari jarritxakuek](#)



[Konfinamenduari jarriak](#)



[SARI BANAKETA ONLINE](#)

Ikasturte honetan zehar ere "Bertsoa bizi gazte" egitasmoa eraman da aurrera Arabako ikastetxe gehienetan. Egitasmo honen helburua bertsolaritza, rapa eta musika lantzea da. Instituto eta batxilergoko ikasleei zuzenduta dago. Gure kasuan Murgiako BHIko DBH 3. mailako ikasleek Bertsoa Bizi Gazte 4 ordutako tailerra burutu dute Xabier Lasarekin. Hala, bukaera emateko bertso Saioa burutu zuten Ander Solozabalek eta Xabi Lasak.

Horrez gain "Bertso Bizi Gazte" bideoklip lehiaketa jarri genuen martxan udaberrian. Araba osotik bideo desberdinak egin dituzte gazteek konfinamendu bete betean, gure eskualdetik 2 bideoklip aurkeztu direlarik: Zuzeneko "Zuhatzari jarritxakuek" Aramaixoko bertso eskolatik eta "konfinamenduari jarriak, Murgiako bertso eskolatik. Ezkerreko zutabea dituzue bideoklipak eta ho-riek ikusteko loturak eta sari banaketa klik batean.

Aramaioarrek lortu zuten saria eta Irailaren 1, 2 eta 3an egonaldi bat izango dute beste sarituekin batera. ZORIONAK parte hartaille guztiei, hurrengo urtean gehiago eta hobeto!



KUADRILARTEKOTIK OHOLTZAPERERA

Azken urteetan bezala aurten ere Gorbeialdeko ordezkaritza izan du Kuadrilarteko bertso txapelketan, 3 taldek parte hartu dute, Aramaioko Konde basoko iluek eta Izenbakuek eta Zuia-Urkabustaizko Gorbeialdeko azkenak. Ohikoa den bezala umore ona eta giro ederra izan ziren nagusi. Konfinamenduan bertsoan jarraitu dute irrati bidez, [1](#) eta [2](#). Eta bertso gosez daudela dirudi, COVID 19ak bertsoak sare sozialetara konfinatu bagaitu ere, plaza "normaltasun berrian" udako bertsoak bueltatuko dira Arabar Mendialdeko plazetara. Momentuz apuntatu data hau agendatan saio ederra dugu laster eta.



[IZARRAN OHOLTZAPETIK emanaldia](#)

Ekainak 19, ostirala, 20:00,

Martin Abarrategi, Andere Arriolabengoa, Iñaki Viñaspre eta Felipe Zelaieta

Gai-jartzailea: Oier Azkarraga





XXV.

ESKOLARTEKOA

(14 urtez azpikoak)

Martxotik maiatzera bitartean, 14 urte bitarteko haur eta gaztetxoek bertso idatzien lehiaketan parte hartzeko aukera izan dute. Bertsolaritza ikastetxean edo bertso-eskolan lantzen duten 700 ikasle

inguruk parte hartu dute. Ziber-festa, mozerro eta jai giroan eman zaio amaiera, 14tik beherakoen XXV. Arabako Bertso Eskolarteko online beriziari, nola bestela.

2020ko udaberrian Arabako haur zein gaztetxoek, etxetik, kobazuloaren barren barrenetik ateratakoak izan dira egindako bertso lanak. Saguzarren erara oinak buruan jarrita!

Zein animalia bihurtuko liratekeen, ikusezin balira zer egingo luketen edota mundua nola ikusten duten erakutsi dute errimak josiz, koplak osatuz. Egoerak egoera, aurtengoa ere polita izan da, eskerrik asko Araba mailan parte hartu duzuen 700 bertsolari txikiei.

Hurrengo urtean gehiago! Zahar zein gazte, sorgin eta saguzar, mutil zein neska, pirata edo yogalari, denak ere ameslari...

[SARI BANAKETA ONLINE](#) ikusi dezakezue:

(Sarituek HONTZA EXTREM abentura parkean egun pasa izango dute irailaren 13an)

Lehen fasera igarotako lanak, tartean GORBEIALDEKO lan aukeratuak hemen daude [GOZATU](#):

[ESKUALDEZ ESKUALDEKO LAN AUKERATUAK](#)



BERTSO ESKOLAK

Gorbeialdeko bertso eskolak ez du etenik izan ikasturte amaiera arte, konfinamendu betean ere, jo ta ke ari-tu dira pantailatik pantailara, etxetik etxera, gaiak jarri eta bertsoan elkar zirikatatu eta ondo pasatuz.

Aisialdian gozatzeko arnagunea izan da bertso-eskola zailtasunen gainetik irudimenez eta irribarrez aritzeko tokia. Datorren ikasturtean zuk ere izena emateko behean duzu linka.



inscripción
online

[IZENA EMATEKO](#)

